

交友文

Хут 1335

О дружбѣхъ

Шкафъ III

Пехинь  
1880.

№ 119967. 1934г.

交友文

今夫奉聖教者非必藏修於山野亦須交  
同道之朋彼此講明道理勸勉善功以獲  
其益但朋友有導我以善者亦有誘於不  
善者我當擇其善者而從之其不善者而  
改之是良朋莠朋均足爲己之勸懲第恐  
世人無自主之心又無擇人之識斯不能  
獲友之益而常受友之害擇交者若察其

1322  
1320  
1321

人果係公義真實毫無偽託自可稱合志  
知心之友切勿以一言一事相投卽信爲  
可親可恃之人儻或於忠告者憚其督責  
我以善道而不樂相親於此匪者喜其阿  
順我之私情而甘與徼逐無怪其初遵聖  
教誠命真誠正直迨爲歹人所誘惑遂致  
諸弊叢生悖正路而務邪行其先望福樂  
之心漸失其後作罪罰之事不顧卽謂非

本心悖謬亦將墜在先之聲譽而種此後  
之禍根致污聖教之名且干天主之怒彼  
外教人見此不善之羣將妄生訾議是因  
一人之不善遂累全教被誣問心能不自  
愧蓋不仁不義之人互相毀謗忌妬專務  
利己損人日事戲遊不安本分似此者重  
則當與拒絕輕則當與遠離卽不得已與  
之同事亦須時加防範常見人於朋友所

行之事深知可恥切爲勸戒不料轉瞬間  
已亦踵而行之效尤更甚及聞人指摘亦  
覺愧悔無如病蒂已深逾時仍舊爲之則  
其善念無自而生惡心無時克遏矣乃知  
人必擇敬主者而交之其益自無窮也蓋  
相邀入市肆輪流飲食何若相約赴聖堂  
互相祈禱彼係耗費此係求福羣居好游  
戲之間談何若交勉謀益靈之善務彼則

曠廢時日此則獲享常生况我未識誘惑  
之潛來友能從旁指示我不意患難之猝  
至友能竭力援扶我不禁氣忿之暴生友  
在局外可以安慰和解我難免憂疑之莫  
釋友於隨時可以籌畫商謀卽我生平失  
足誤行生時因不知而未告解友自將切  
爲提明死後因時促而未補贖友自將代  
爲祈禱且互相教育子孫瞻顧家屬互相

周卹貧乏勸化言行彼此親愛謙和使未  
進教者覩我眾此類良善之行亦將起向  
慕之心而讚美上主之教矣卽有仇敵忌  
恨無如我眾同相護助聯爲一心更有何  
疵之可摘乎

替沐文非發... 不... 之... 之...  
興... 自... 也... 興... 事... 常... 坐... 天... 矣... 未... 滿... 積... 德...

